

جَزَائِرُ مَحَاكِمِ

جمعه ایرتسی

نومرو	جمادی الاخر	سنه	كانون اول	سنه	صفحه
۸۰۰	۱۷	۱۳۱۲	۲	۱۳۱۰	۱۱۹۱۷

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخهمی ینه مجیدیه یکریمی غروش اولوق اوزره یوز پارهیه هر یرده ساتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولوق استیائلر عدلیه نظارتی)
 (دأره سنده کائن جریده محاکم اداره سنه مراجعت ایلملیدر)

قسم رسمی

جکی جهته دعوتنامه لرده معین اولان اوقانده
 اصحاب مصالحك محکمه ده حاضر بو لنملری
 لازمکله رك عکسی حالنده معامله قانونیه نك
 اجرا قلنه جنی اخطار اولنور .

۱۹ تشرین ثانی سنه ۳۱۰

محکمه تجارت برنجی مجلسی حسب الموسم
 اشبو تشرین ثانینك اوتوزنجی کونندن اعتباراً
 بهر کون ساعت بش بچقده کشاد اولنورق بر ساعت
 امور داخلیه ایله اشتغال وارباب مراجعتك افاده
 لرینی استماع ایده جکی والی بچقده محاکمه
 شروع اولنورق اون بچقده محاکمه ختام ویرله

(فی ۴ جمادی الاخر سنه ۳۱۲ وفی ۲۲)
 (تشرین ثانی سنه ۳۱۰ تاریخده درسعات)

(ايله بالجله ولايات استينافى محكمه سى مدعى)
 عمومىلار بىنە مدعى عمومى بولمىيان محللر مدعى)
 عمومى معا و نلر بىنە يازيلان تخريرات عمومىه)
 (صورتيدر)

رسم تمفا قانونك يكرى ايكنجى ماده سنده
 رسم مقطوعه تابع اولوبده پول ياشديرلمش
 اولان اورا قىدن تمفا رسمى استيفا اولندندن
 بشقه يارم عثمانلى التونندن اوج عثمانلى التونسه
 قدر جزاى نقدى الله جنى و اوتوز اوچنجى
 ماده سنده درجه نظاميه سندن دون اوله رق تمفا
 لنش و ياخود درجه نظاميه سندن اكسك پول
 ياشديرلمش اولان سنداك نقصانى نه مقدار ايسه
 اكال ايتديرلدكده نكسره جزاى نقدى سى يالكز
 نقصانى او زرنندن الله جنى محرر اولوب مقدار
 نظاميه سندن دون مقطوع پول ياشديرلمش اولان
 اوراق حقنده صراحت بولمىد يفتندن نوغندن
 دون بدالى مقطوع پول ياشديرلمش اولان اورا
 قك بولسز عديله يكدن نوعنه كوره پول الصاق
 اوله رق بدللك و جزاى نقدى سى استيفاسى
 لازم كله جكى بر صورتى بايورلدى سامى تبليغ
 اولسان شوراي دولت تنظيمات دائرسى مضبطه
 سنده كوسترلمش و لازم كلنلره تبليغ كيفيت
 اولنمق اورزه اشبو تخريراتك نسخ مطبوعه

قسم غير رسمى

ازنيد بدايت محكمه سندن فى ۲۴ ايلول سنه ۳۰۶
 تاريخى و اون اوج عددى ايله ويريلاان اعلامك
 مابعدى

اعطاسنه حكمدن و مستدى مرقوم يحيى
 چاوش اشبو اعلام عليهنده كى اعتراضاتك باشلو -
 جهسى دعواى واقعه عقاره متعلق اولدنى حالده
 ذى اليد لكك بالينه اثبات ايتديرلماسى مغاير
 قانون اولد يفتندن بحسالة اعلامك نقضى استدا
 سندن و مدعى عليه قسطنطى و كىلى حسن تحسین
 افنديك نتيجه جوابى دخى ذات دعوى عقاره
 متعلق اولمىوب اجاره طلبندن عبارت بولند -
 ينى و بناء عليه اعتراض مذكورك واهى

اولدنى بىسا نيله موافق اصول و قانون اولان
 اعلامك مذكورك تصديقى طلبندن عبارت
 بولمىشدر .

اجبابى مذاكره اولندقه تميز اولسان
 اعلامك نتيجه مالى منازع فيه فرونك ايكى سنه لك
 بدل ايجارندن متباق ايكوز الى غرو شك
 مستأجرى مرقوموندىن تحصيليله مرقوم يحيى
 چاوشك كدك حقنده كى مدافعه سنك ردينه
 حكمدن عبارت اولمىنه نظراً اشبو حكملر دن
 بدل ايجار حقنده كى حكم اسباب موجب و ماده
 قانونيه به مستند و موافق اصول و قانون اولدنيغه
 مبنى اعلامك مذكورك بوجهتك تصديقه و بو كى
 كدكات دعوالرينك مرجع رؤيتى محاكم شرعيه
 اولدنيغه بناء دكان مذكورك كدك دعواسنك
 خارج از وظيفه محكمه نظاميه ده فصل و حسم
 اولمىسى اصول و قانونه مغاير بولنديغه بناء
 اصول محاكمه حقوقيه قانونك ايكوز قرق برنجى
 ماده سى موجب جه اعلامك مذكورك كدك حقنده كى
 جهت حكميه سنك نقضيله قانون مزبورك ايكوز
 قرق اوچنجى ماده سنه توفيقاً عائد اولدنى محكمه
 شرعيه به حواله سنه و تصديق خرجى اولان يكرى
 غرو شك مستدى تميزه عائد اولمق اورزه

مدعى عليهندن و نقض خرجى اولان درتيوز
 اون درت بيق غروش مصارف محاكمه نك دخى
 ايلروده حقسز حيقه جق طرفه رجوع ايتك
 اوزره اول امرده مستدى يحيى چاوشدن النسنه
 فى ۱۹ مايس سنه ۳۰۸ تاريخنده متفقاً قرار
 ويريلا رك تفهيم قلندى

آيدىن بدايت محكمه سندن فى ۳ حزينان
 سنه ۳۰۷ تاريخى و قرق عددى ايله ويريلاان
 اعلامك تميزنى استدا ايدنى آيدىن تيمور يولى
 قومبايه سى دير كتورى موسيو ادوار پورسر
 و كىلى اوخانس موسيحيان افندى ايله مدعى
 عليه از ميرده مقيم متوفى خيجا طوربان ورنه سى
 و كىلى زهدى بكك يوم معينده ايضاحات شفاهيه -
 لريله باش مدعى عمومى معا و نلرندن سعادتلو
 بورغا كى افنديك مطالعه سى استماع قلندى .

اعلامك مذكورك خلاصه مالى ورثه مرقومه
 نك سوكه قضا سنده كائن متصرف اولدقلى معلوم

الحدود برقطه باغك بكمى دونم محلى سوكه
 تيمور يولى قومپانيه سى طرفدن بالتخريب بعض
 محله تيمور تمديد ايدلسى وبعض محلى دخى معطل
 براغلمسى جهتيله محل مذكوره استملاك املاك
 قوميسيونى جانبندن تقدير ايديلان قيمته
 موافقت ايدى مدكرندن بختله ورثه مرقومه
 جانبندن مذكور قومپانيه ديركتورى عليهنده
 محكمه مذكوره به بالمراجعه اقامه اولنان بدل
 ارض وضرر وزيان دعواى اوزرينه اجرا
 قلنان محاكمه وتدقيقات نتيجه سنده منازع فيه
 محل ايچون استملاك قوميسيونى طرفندن اولجه
 تقدير ايديلان قيمت دون اولوب باغ مذكور
 قيمت حقيقيه سى الى بيك يديوز غروش اولدينى
 بوكره محلى ماموريتندن مركب اولوق اوزره
 محكمه جه تعيين قلنان حكم انجمن معرفيله
 اجرا قلنان كشف وتدقيقات اوزرينه ورييلان
 مضبطه دن اكلا شلمسنة بناء مضبطه مذكوره
 نك تصديقيه مبلغ مذكور قومپانيه به اضافتله
 ديركتور مومى اليه دن تحصيله ومعطل قلان محل
 ايله ضرر وزيان مسئله سى حقنده دخى ابروجه
 دعوى اقامه اولدينى حالده ايچابنه باقلمسنة
 حكمندن ومستدعى وكيلى اوخانس موسديجيان
 افنديبك اشبو حكم عليهنده كى اعتراف ضاتك
 خلاصه سى بوكى محللر حقنده استملاك قو-
 مسيو نندن تقدير اولنان قيمته احساب املاك
 جانبندن قناعت ايدليه جك اولور ايسه اولبابده كى
 اعتراف ضاتى قومسيون مذكوره ده درمبان
 ايتلىرى استملاك قانوننك بشنچى ماده سى
 اقتضاسندن ايكن محكمه جه بونقطه به دقت اولنميه رق
 اخيراً تشكيل اولنان حكم انجمنك ویرمش
 اولدينى مضبطه به بنای حكم ايدلسى مخالف
 قانون اولديغندن بختله اعلامك تقضى استمداسندن
 ومدعى عليه وكيلى زهدى بكك نتيجه جوابى
 دخى دعواى واقعه حقنده محكمه مذكوره جه
 اولنان معامله قانون مذبوره موافق وبناء عليه
 اعتراض مذكور غير وارد اولدينى بيانيله
 تصديقى طلبندن ومعاون مومى اليه ك مطالعه سى
 دخى محكمه جه تشكيل قلنان انجمن طرفندن
 ورييلان تقريرده منازع فيه اولان باغك قيمتى
 حال حاضرينه نسبتله تقدير وتعيين ايدلمش
 ايسه ده حال حاضر تيمور يولك تمديدندن صكره
 حاصل اوله رق استملاك اولنان محلك قيمت
 حقيقيه سى ايسه اندن اولين الاهالى معتبر اولان
 فيئات ورايچ اولوق لازم كله جكنه مبنى اعتراف-
 ضات واقعه نك موافق قانون اولدينى بيانندن
 عبارت بولنمشدر .

ايچابى مذاكره اولندوقده اعلام مذكور
 مطالعه سندن مفهم اولدينى اوزره ورثه مرقومه-
 نك درمبان ايدليك ادمايه قارشو محل منازع
 فيه ايچون اولجه استملاك قومسيونى طرفندن
 تقدير اولنان مقدارك موافق حقيقت اولمى
 جهتيله مقدار مذكور شايان قبول اولمى لازم
 كله چكندن بختله مذكور قومپانيه جانبندن عند
 المحاكمه سرد ايدلمش اولان اعتراض حقنده
 تدقيقات لازمه اجرا سيله تين ايدى جيك حاله
 كوره ذات مصلحته قرار ویرمك لازم كلور
 ايكن محكمه مذكوره جه بوباده برشى دنيلميه رك
 اعتراض مذكور مسكوت عنه براغلمسى مغاير
 قانون اولديغنه بناء اصول محاكمه حقوقيه قانون-
 نك ايكيوز قرق برنجى ماده سى موجبجه
 اعلامك نقصه وقانون مزبورك ايكيوز قرق
 دردنچى ماده سى موجبجه كيفيتك بالرؤيه اعلامه
 ربطى ضمننده محكمه مذكوره به اعاده سنة
 واعلام خرجى اولان ايكيوز غروشك اولجه
 النان ايكيوز قرق غروشندن محسوبى اجرا وبقيه
 قرق غروشك طلب وقوعنده صاحبه ردواعاده-
 سى ايله زيرده مفرداتى مرقم يديوز سكسان
 سكرچى غروش سائر مصارف تميزيه نك ايلروده
 حقمنز چيجه جيق طرفه عائد اولوق اوزره اول
 امرده مستد عيدين الخمسنة ۱ ايلول سنة ۳۰۷
 تاريخنده اكثريت آرا ايله قرار ویريله رك تفهيم
 قلندى .

بغداد استيناف محكمه سندن ۲۲ مايس
 سنة ۳۰۵ تاريخى و اوج عددى ايله ورييلان
 اعلامك تميزينى مالىه خزينة جليله سنة اضافتله
 بصره حكومتى وكيلى على كاظم افندى طرفندن
 استدا اولمش ويوم معينده خزينة مشاور اليها
 جانبندن رحى افندى ايله مدعى عليه بصره نك
 مجاجه محلى اهاليبندن منلا على بن حسين وكيلى
 كروپ شيان افندى وكالة كلش اولديغندن وكيلان
 مومى اليه مانك ايضاحات شفاهيه لريله باش مدعى
 عمومى معاونلرندن سعادتلو بورغا كى افنديك
 مطالعه سى استماع قلندوقدنصكره تدقيقات تميزيه
 اجرا سنة ابتدار قلندى .

اعلام مذكور خلاصه مالى مرقوم منلا
 عليك اوچيوز درت سنة سنة محسوباً التزام

مش اولدیفنه مبنی اعتراضات واقعه نك موافق
قانون اولدینی بیانندن عبارت بولمشد .

ایجابو لدی المذاکره اعلام مذکور مطالعه .

سندن منقهم اولدینی اوزره لاحق اولان حکم
ابتدائی علیهنده اعطا قلنان استدعا نامه سنك
مدت قانونیه نك مرورندنطولای ردینه قرار
ویرلش ایسهده استدعاینامه مزبورك مدتی ظرفنده
ویریلوب ویرلدیکنك ظاهره اخراجی ضمنتده
بغداد ایله بصره اره سنده کی مسافه نك صورت
رسمیهده تحقیق و تعیینیه تین ایده جك حاله کوره
قرار ویرلك لازم کور ایکن محکمه مذ کوره جه
بوولده اجرای تدقیقات اولنیه رق مملکتین
بیننده کی مسافه وسائط نقلیه نك مدت سپرینه
نظراً حساب اولنهرق بر منوال محرر مدت
استینافینك مرورینه قرار ویرلمسی اصول
وقانونه مغایر اولوب مستدعی خزینة مشار الیه
وکیلنك بو جهته متدائر اولان اعتراضی ایله
معاون مومی الیهك مطالعه سی موافق نفس الامر
بولدیفنه بناء اصول محاکمه حقوقیه قانون
موقتك ایکوز اوتوز ایکنجی وایکوز قرق
برنجی ماده لری موجبجه اعلام مذکورك
نقضیه قانون مزبورك ایکوز قرق دردنجی

ایلدیکی حضرات اعشارینك اخیراً جانب
حکومت سنده منع استینافی تحت قراره الندی
ثابت اولسنه مبنی بدل التزامدن متباقی تقاضیک
دخی خزینة جلیله طرفندن مطالبه اولنهمیه جفته
دائر بصره بدایت محکمه سندن صادر اولان اعلام
علیهنده خزینة مشار الیه وکیل جانندن بغداد
استیناف محکمه سنه بالمراجعه استیناف دعوا سی
اقامه ایدلش ایسهده بغداد ایله بصره اره سنده .
کی مسافه نك درت کوندن عبارت بولمسنه نظراً
استیناف استدعا سی مدت استینافیه سنك نقصانندن
صکره اعطا ایلدیکی تحق ایتش اولدینی بیانیه اصول
محاکمه حقوقیه قانوننك یوز سکسان التنجی ماده سنه
توفیقاً استدعا ی مذکورك ردینه قرار ویرلدیکندن
و مستدعی خزینة مشار الیه وکیلنك اشبو قرار
علیهنده کی خلاصه اعتراضاتی بغداد ایله بصره
اره سنده کی مسافه نك برأ حسابیه مدت مسئله سنك
حل اولنق لازم کور ایکن محکمه مذ کوره جه بوراسنه
دقت اولنیه رق مسافه مذ کوره نك طریق بحری
اعتباریه حساب اولنسی مخالف قانون اولدیفندن
بخله اعلامك نقضی استدعا سندن ومدعی علیه
وکیلنك نتیجه جوابی بغداد ایله بصره اره سنده کی
مسافه نك درت کونده قطعی ممکن بولندی
بیانیه موافق قانون اولان اعلامك تصدیق
طلبندن و معاون مومی الیهك مطالعه سی دخی
مسافه مذ کوره نك تحقیقات رسمیه به بنا ایدلا .

ماده سی حکمنه توفیقاً کیفینك یکیدن بالرؤیه
اعلامه ربطی ضمنتده محکمه مذ کوره به اعاده .
سنه و زیرده مفرداتی مرقم اوچوز اوتوز
طقوز یحق غروش مصارف محاکمه نك ایلروده
حقسز چیقجه جق طرفه رجوع ایتك اوزره
اول امرده مستدعی خزینة مشار الیهادن التسنه
۲۸ تشرین ثانی سنه ۳۰۸ تاریخنده متفقاً قرار
قرار ویرلهرك تفهیم قلندی .

قبصریه تجارت محکمه سندن ۳۰ حزیران
سنه ۳۰۶ تاریخ والی سکر عددی ایله ویریلان
اعلامك تمیزینی استدعا ایدن قبصریه ده ساکن
تجاردن قاجیان اوخانس اغا یوم معینده دائرجه
کلیوب تمیز علیه قصبه مذ کوره دمقیم حلاجیان
سرکر اغا وکیل اغوب بحری اقدینك ورود
ایتمش اولمقله ایضاحات شفاهیه سی استماع قلند .
قدنصکره تدقیقات تمیزیه اجراسنه ابتدار
اولندی .

اعلام مذکورك خلاصه مآلی مرقوم
حلاجیان سرکر اغانك مارسلیاده بولندی
هنکامده قاجیان اوخانس اغا طرفندن کوندن .
لش اولان بیانی وچکردك وامتنه سائر نك
برقطه حساب جاری دفتری موجبجه آوانس
حسابندن متباقی مطلوبی بولسان التیوز سکسان
بش فرائق یکرمی بش ساتیمک مع اجرای
موقت تحصیلنی طلب و دعوی و برقطه حساب
جاری بوصله سی ابراز و اعطا ایتسنه قارشو
مدعی علیه اوخانس اغا دخی امتعه مذ کوره ی
برادرله مشترکاً ارسال ایدوب مدعینك
یدری واسطه سیله بر مقدار اقچه دخی المش
ایسهده کوندریلان مالک کونی کونه صاتلمیه .
رق پیاسه نك دوشمه سندن و اثباتنه حاضر
بولندی مدعینك خلاف تنبیه اشعار وحرکتندن
طولای اوتوز بش لیرا الاجنی اولدینی مدافعه
تذکار ایتسی اوزرینه جریان ایدن محاکمه
وتدقیقات نتیجه سنده مدعی علیه دفع مشروحنی
اصولاً اثبات ایده مدیکی کی خصمنك تحلیفی
دخی طالب اولماش و مدعی جانبندن ابراز
اولنان مکاتیب وصاتش فاطوره سنله حساب
جاری بوصله سی مندرجاتی دعوا سی مؤید
کورنش اولدینی بیانیه مدماه اولان التیوز

سکسان بش فراقتدن فاحش فائض فرقی اوله رق
سکسان ایکی بحق فراقتک تزیلیله متباقی رأس
المال فائضک ضمیمه بالغ اولدینی یدییوز قرق
طقوز فراتی یکر می بش ساتمک تحصیلنه حکمدن
ومستدعی تمیز اوخانس اغانک اشبو حکم
علیهنده لایحه سنده محرر اعتراضاتک باشلوجه سی
دعوی واقعه پروزی اولوب فصل وحسی
رؤیت محاسبه به متوقف بولنش ایکن مجرله
حواله کیفیت اولنمسی وائتای مجاکده
درمیان ایلدیکی مدافعات حقنده کندوسندن
اثبات طلبیه عجزی حالنده خصمه یمن تکلیف
اولنمسی قانونه مغایر اولدیندن بخله اعلام
مذکورک قضی استدعا سندن ومدعی علیه
اغوب بحری اقدینک نتیجه جوابی دخی حکم
اعلامک موافق قانون اولدینی بیانیله تصدیق
طلبندن عبارت بولمشدر .

ایجابی مذاکره اولندقدده اعلام مذکور
مألندن مستبان اولدینی اوزره بدایه مدعی علیه
بولنان قناجیان اوخانس اغا خصمی سرکر اغانک
دعواسنه قارشو مدعی مرقومک خلاف تنبیه
واشعار حرکت ایلدیکی اثبات ایلجه جکنی تذکار
ایله الاجبی اولدینی ادعا ایلش اولسنه نظراً

اشبو دفع دعواسی حقنده کندوسندن یمنه
استیله رک اثبات مدعا دن اظهار عجز ایلدیکی
حالدده طالب تحلیف اولوب اولدینک سوال
ایله اقتضا ایدمک حاله کوره اجرای معامله
اولنمی اصول محکمه اقتضاسندن ایکن بوقاعده به
رأیت قلمنامسی اصول وقانونه مغایر ومستدعی
تمیزک بوجهته متدائر اولان اعتراضی موافق
فس الامر کورنش اولدیندن اصول محاکمه
حقوقیه قانونک ایکوز اونوز ایکنجی ماده سی
موجبجه اعلام مذکورک تفضیله قانون مزبورک
ایکوز قرق دردنجی ماده سی حکمنه توفیقاً
کیفیتک یکیدن بالرؤیه اعلامه ربطی ضمنده
محکمه مذکوریه اعاده سنه و زیرده مفرداتی
مرقم اوچبوز طقسان طقوز بحق غروش
مصارف تمیزیه نک ایلروده حقسنر چیه حق
طرفه رجوع ایتک اوزره اول امرده مستدعی
تمیزدن النسنه ۱۸ مایس سنه ۳۰۷ تاریخنده
اکثریت آرا ایله قرار ویریلرک تفهیم قلندی .

قره حصار صاحب بدایت محکمه سندن تجارت
صفی وفی ۲۴ تشرین اول سنه ۳۰۸ تاریخی
واوتوز بر عددی ایله ویریلان اعلامک تمیزینی
استدعا ایدن صندوقی قصبه سنده ساکنه امینه
خاتون یوم معینده دائره به کلوب مدعی علیه
قصبه مذکورده مقیم بحق همت اوغلی خلیل
کلیدیکی کبی جواب لایحه سی دخی ویر مدیکندن
مستدعی مزبورده نک ایضاحات شفاهی سی استماع
قلندقد نصکره تدقیقات تمیزیه اجراسنه ابتدار
اولندی .

اعلام مذکورک خلاصه مالی مزبوره
امینه خاتونک مرقوم خلیل ذمتنده باسند الاجبی
اولان سکسان لیرانک تحصیل حکمنی حاوی
محکمه مذکورده دن صادر اولوب اسینافاً تصدیق
قلنان اعلامک وظیفه دن طولانی تمیزاً نقض
اولنمی اوزرینه محکمه مذکورده جبه بدایه
جریان ایدن محاکمه ده مرقوم خلیل اولابور .
جنی انکار ایدوب مؤخرأ تسویه دین ایتدیکنه
دائد برقطعه ابرنامه ابراز ومضمونی شهادتله
اثبات ایلسنه مبنی مدعی مزبورده نک رد ادعا .
سنه قرار ویرلش ایسه ده مرقوم خلیلک
افاداتی میاننده تناقص اولوب اولدینک تدقیق

ایدلامسی و سنده قارشو شهود شخیصیه استماع
قلمسی اسبابنه مبنی اولبایده کی اعلامک دخی
تمیزاً نقض اولنمی جهتیله بتکرار محکمه
مذکورده جبه طرفینک اجرای محاکمه سیله اجرا
قلنان تدقیقات نتیجه سنده مجله نک بیک التیوز
الی بدنجی ماده سی موجبجه مرقوم خلیلک
افاداتی بیننده تناقص کورلیدیکی کبی شهود
شخیصیه ایله دخی دفعی اثبات ایتیموب مبلغ
مذکوریه ویردیکنه دائر ابراز ایلدیکی ابرنامه
مضمونی اثبات ایتدیکندن بخله مدعی مزبوره .
نک رد اداسنه قرار ویرلیدکندن و مستدعی نک
اشبو اعلام علیهنده باشلوجه اعتراضاتی خصمنک
عندالحاکمه وقوعبولان افاداتی موجب تناقص
اولدینی درکار ایکن محکمه مذکورده جبه افادات
مذکورده حقنده تدقیقات عمیقاً اجرا قلنمقسزین
تناقصک عدم وقوعنه حکم ایدلسی مغایر قانون
اولدیندن یخله اعلامک نقضی استدعا سندن
عبارت بولمشدر .

ایجابی مذاکره اولندقدده مندرجات اعلامدن
مستفاد اولدینی اوزره مزبوره امینه خاتونک
دعوی ایلدیکی مبالغ بورجی اولدینی عندالحاکمه
مرقوم خلیل انکار و مؤخرأ مدعی مزبوره به

بالتأديه ابرا اولدينى مدافعة بيان و تذكار
ايلمش اولسنه كوره مرقومك اشبو افاداتی
بيننده تناقص كورلديكى حالده اولدينى بيانيله
اعلام سابق حقنده كوستريلان اسباب نقضيه به
و قانونه مخالف اوله رق اولجه ابرانامه نك صحت
مضمونه دائر استماع قلنان شهودك شهادتته بناء
مدعيه نك رد اداسنه قرار ويرلسى قانونه مغاير
ومستدعيه نك اعتراضى دخى بو جهته متدائر
اوله رق موافق نفس الامر كورلديكنه بناء
اصول محاكمه حقوقيه قانوننك ايكوز اوتوز
ايكنجى ماده سى موجبجه اعلام مذكورك
نقضيله قانون مزبورك ايكوز قرق درونجى
ماده سى حكمه توفيقاً كيفيتك صور مشروحه
دائرة سنده يكيدن بالرؤيه اعلامه ربطى ضمننده
محكمه مذكوره به اعاده سنه وزير ده مفرداتی
مرقم اوجوز درت بحق غروش مصارف
محاكمه نك ايلروده حقسز چيقه جق طرفه رجوع
ايتك اوزره اول امرده مستدعيه دن النمسنه
۳ شباط سنه ۳۰۸ تاريخنده متفقاً قرار ويريبله رك
تفهيم قلندى .

طوسيه بدايت محكمه سندن ۲۴ مارت سنه ۳۰۷
تاريخى ويدى عددى ايله ويريلان اعلامك
تميزينى استدعا ايدن طوسيه قضا سنه تابع قارغى
ناحيه سنك كول قريه سى سا كنلرندن چيركين
اوغلى محمد اغا وكيلى قلايجيان كبر قور افندى ايله
مدعى عليه قريه مزبوره سا كنلرندن كوشتش
اوغلى حسين اغا وكيلى ملازم حسن افندىك يوم
معينه ايضاحات شفاهيه لرى استماع قلندى
اعلام مذكورك خلاصه مالى قريه مذكوره
جوارنده يازى بيكارى نام موقعه معلوم الحدود
برقطه ترلانك تصرفدن طولاي طرفين بيننده
متحدث دعوى حقنده اقد مجة طوسيه بدايت
محكمه سندن صادر اولان اعلامك تميزاً نقض
اولنسى اوزرينه بتكرار محكمه مذكوره جه اجرا
قلنان محاكمه و تدقيقات نتيجه سنده مرقوم
محمد اغانك مذكور تر لاده در ميان ايلديكى
تصرف ادعاسى همچون اقامه ايلديكى شهود حد
نصا بده اولدينى و ديكرينى دخى اقامه دن اظهار
عجز ايلديكى جهته طلبيله مرقوم حسين اغانك
تخليفى اجرا قلندى بيانيله مجله نك بيك سكر
يوز اون طقوزنجى ماده سى احكامه توفيقاً
مرقوم محمد اغانك مذكور تر لاده دعا سندن

طولاي معارضه دن منعه حكمندن و مستدعى
وكيلنك اشبو اعلام عليهنده باشلوجه اعتراضى
مؤكلنك يدنده بولنان طابو سنداتی ثبوت مدعا
سنه كافى ايكن محكمه جه بوباده شاهد ارانلمسى
مغاير قانون اولديغندن بحمله اعلامك نقضى
استدعا سندن و مدعى عليه وكيلى حسين افندىك
نتيجه جوابى دخى خصمنك ادعاسى ثابت اوله
ميوب نصا بده شاهد اقامه سندن اظهار عجز
ايتمنه مبنى مؤكلنك بوباده امر تخليفى اجرا
قلنسنه بناء اصول و قانونه موافق اولان اعلامك
تصديقى طلبندن عبارت بولنمشدر .
ايجابى مذاكره اولندقه تميز اولنان اعلام
مالنسدن مستفاد اولدينى اوزره بدايه مدعى
بولنان مرقوم حسين جانبندن منازع فيه تر لاده
كندو سنك تحت تصرف و زرا عتده اوله رق
مرقوم محمد اغا طرفندن فضولى مداخله اولدينى
ادعا قلنسنه قارشو مرقوم محمد اغانك مذكور
تر لاسى احمد نام كسنه دن تفرغاً اوتوز سنه دنبرو
تصرف ايتكمده اولدينى حقنده در ميان ايلديكى
مدافعه منى اثباتدن اظهار عجز ايتش اولسنه
كوره محكمه جه دعاوى واقعه ده اوله ذى اليدلك
بالينه اثبات ايتدير لدكد نصكره خارج بولنان

ومذكور تر لاده كندوسنك اولوب مدعى عليهك
فضولى ضبط ايتديكنى در ميان ايتكمده اولان
طرفه اثبات مدعا ايتديرلمسى لازم كلور ايكن
بويولده اثبات مدعا دن صرف نظر ايله حسين
اغانك تخليفى بالا اجرا مدعى عليهك مذكور تر لايه
منع و مدعا خله سنه قرار ويرلسى مغاير قانون
اولديغه بناء اصول محاكمه حقوقيه قانوننك
ايكوز قرق برنجى ماده سى موجبجه اعلام
مذكورك نقضيله قانون مزبورك ايكوز قرق
در دنجى ماده سنه توفيقاً كيفيتك بالرؤيه اعلامه
ربطى ضمننده محكمه مذكوره به اعاده سنه
وزير ده مفرداتی مرقم اوجوز طقوز بحق
غروش مصارف محاكمه نك ايلروده حقسز چيقه
جق طرفه رجوع ايتك اوزره اول امرده
مستدعيه دن النمسنه فى ۹ حزينان سنه ۳۰۸
تاريخنده متفقاً قرار ويريلى .

قونيه بدايت محكمه سندن فى ۲۳ اغستوس
سنه ۳۰۶ تاريخى وسكان ايكي عددى ايله
ويريلان اعلامك تميزينى استدعا ايدن قونيه ده
مقيم محمد رشدى افندى ايله مدعى عليه قونيه ده

ساکن عطار حاجی سید افندی تعیین قلندران
کونده دائره به کلد کردن اصول محاکمه حقوقیه
قانوننک ایکوز بکرمی طقوزنجی ماده سی
موجبجه تدقیقات تمیزیه اجرا سنه ابتدار
قلندی .

اعلام مذکورک خلاصه مالی مومی اینه
رشدی افندی سید افندی به بااعلام محکوم به
دینی اولان مبالغدن معلوم المقدار اقیچه اوزرینه
صلح اوله رق مومی الیهه تسلیم ایلدیکی حالده
صلح واقعدن ندامتله بدل صلحی المقدن استکاف
واعلام مذکوری موقع اجرا به وضع ایلدیکندن
بخشله بدل صلحک تحت حکمه التمسی طلب
ودعوی ایتسنه قارشو مومی الیهه سید افندی
دخی بدل صلح بینلرنده تعیین ایلدکری بکرمی
درت ساعت ظرفنده تأدیبه ایلدیکی جهتله صلح
مذکور دن فراغت ایتش اولدینی و بو صورته
دخی کندوسنک حتی بولندینی مدافعه درمیان
ایتش ایسه ده محکمه جه صلح تمام اولدقدنصرکه
طرفیندن برینک اندن رجوع ایده میه جکی
محله نک بیک بشیوز الی التبعی ماده سی احکامندن
بولندیغه بناء ماده مذکوره به توفیقاً سیدافندی نک
صلحدن رجوعه حتی اوله میه جفته و بدل صلحک

مع گذشته و مصارف محاکمه مومی الیه رشدی
افندی ندهن تحصیله حکمدن و مستدعینک اشبو حکم
علیهنده کی اعتراضک باشلوجه سی بدل صلحک
مع فائض اعطاسنه دائر بر مقاوله اولدینی کی
اولبابده بر طلب و ادعا دخی سبق ایتدیکی وکنده
وسی مدعی اولوب دعوا ده حقی جیقمش اولدینی
حالده بدایت محکمه سنجه محاکمه مصارفی و فائضی
ایله محکوم ایلدلمی مضایر قانون اولدیفندن
بخله اعلامک نقضی استدعا سندن و مدعی علیهک
نتیجه جوابی دخی حکم واقع موافق اصول
وقانون اولدینی بیسانیه اعتراضات مسروده نک
ردی و اعلامک تصدیقی طلبندن عبارت
بولنشد .

ایجابی مذاکره اولدقدن اعلام مذکور
مندرجاتندن مستبان اولدینی اوزره مبلغ محکوم
بهندن طولانی بر مقدار معین اوزرینه طرفینک
عقد صلح ایتدکری و بدل صلحک بکرمی
درت ساعت ظرفنده اعطاسی قرار لشدر لدینی
طرفینک تحت اقرارنده بولنوب شو حالده صلح
بدلنک مدت مذکوره ظرفنده مومی الیه رشدی
افندی طرفندن مزبور سید افندی به تأدیبه
ایلدیکی حالده مزبور سید افندی نک المقدن

استکاف ایلدیکی حقنده درمیان اولسان دعوانک
بینه شخصیه ایل اثبات ایلدلمی و مومی الیه رشدی
افندی اشبو دعوا سنی اثبات ایده مدیکی
صورنده مزبور سیدافندی بطلب تحلیف اولوب
اولمادینی سؤال اولنه رق تین ایده جک حاله
کوره ذات مصلحه قرار ویرلمسی مقتضی ایکن
محکمه جه بویولده ایضای معامله ایلدلمسی قانونه
مضایر اولدیفنه مبنی اصول محاکمه حقوقیه
قانوننک ایکوز قرق برنجی ماده سی موجبجه
اعلام مذکورک نقضیه قانون مذکورک ایکوز
قرق در دنجی ماده سی حکمنه توفیقاً کیفینک
یکیدن حکم و اعلامه ربطی ضمننده محکمه مذکور
ره به اعاده سنه وزیرده مفرداتی مرقم در تیوز
غروش مصارف محاکمه نک ایلروده حقسز جیقه
جق طرفه رجوع ایتنک اوزره اول امرده
مستدعین التمسنه فی ۱۲ تشرین ثانی سنه ۳۰۷
تاریخنده اکثریت آرا ایله قرار ویرلدی .

اورفه بدایت محکمه سی تجارت قسمندن
۱ تشرین ثانی سنه ۳۰۰ تاریخی و قرق سکر
عددی ایله ویریلان اعلامک تمیزینی استدعا
ایدن اورفه نک قبون بازاری چارشوسنده مقیم
بقال اصنافندن محمد دوران ایله مدعی علیه
اورفه نک حران ناحیه سنه تابع کطان تپه قریه سنده
مقیم ملک ایوب اقا تعیین اولتان کونده دائره به
کلدکری کی جواب لایحه سی دخی کوندرد
لمدیکندن اصول محاکمه حقوقیه قانوننک ایکوز
بکرمی طقوزنجی ماده سی موجبجه تدقیقات
تمیزیه اجرا سنه ابتدار قلندی

اعلام مذکورک خلاصه مالی مرقوم ایوب
اغانک ملفا اورفه تجارت محکمه سنک برقطعه
اعلامی موجبجه مرقوم محمد دوران محکوم به
دینی اولان ایکی بیک یدیبوز طقسان ایکی
غروش تماماً ایضا ایتدیکی حالده مجرد رسوم
تحصیلیه ویرمامک ایچون اجرا جه اولان قیدینی
ترقین ایتدیرمامش اولدینی جهتله مکرراً کندو
سندن طلب اولنمقدن اولدیفندن بخشله تأدیبه سی
ثابت اولدینی تقدیرده اولبابده و قوعبولان
مصارفنک تضمینی طلب و دعوی و مدعی علیه
مرقوم محمد اقا دخی مبلغ مذکوره مقابل بر

اچچه المديني مدافعة بيان وانباءتملى اوزرينه
دائرة اجراءن استفسار كيفيتله جريان ايدن
تدقيقات بتيجه سنده اجرايه توديع اولنان تجارت
اعلامى موجبنجه مديون ايوب اغانك بعض
حيواناتى داي مرقوم جانبندن تحت حيزه الدير-
لمش اولديني حالده مؤخرآ صلحاً تسوية دين
ايتديريهرك حيز مذكورك فك ايدليكي ولدي-
التحرى اعلام مذكوره ظفرياب اولنه مديني
اجرا مأمورلفنك دركنسارندن اكلاشلمسنة
وموقع رسميده وقوعبولان معامله معتبر اولديني
كبي دين مذكورك تأمینی ايجون وضع اولنان
حيزك فكي ماده سى تسوية دين ايدليكنه دليل
قوى بولمسنة مبنی مرقوم دورانك معارضه دن
منعنه حكمدن و مستدعينك اشبو حكم عليهنده كي
باشلوچه اعتراضاتى بااعلام محكوم به اولان دينك
تسوية سى دعواسى سند وياخود اقرار ايله اثبات
اولمقى لازم كلور ايكن محكمه جه بوجهنك نظر
دفته التماسى و حكم محلنده بر ماده قانونيه
كوستلامسى مغاير قانون اولديغندن بمثله اعلام
مذكورك نقضى استدعاسندن عبارت بولمشد .

ايجابى مذاكره اولندقدده اعلام مذكور
مندرجاتندن اكلاشلمديني اوزره درجه اولي

محكمه سنجه اجرا دائره سندن وارد اولان جواب
موجبنجه اعطاي حكم اولمش اولمسنة نظراً
ورود ايدن جواب اوزرينه بتكرار طرفين
جلب واستجواب اولنهرق ختام محاكملى
تفهيم قلندقدنصكره مذاكره كيفيتله مقتضاي
حاله كوره اعطاي حكم اولمقى لازم كلور ايكن
محكمه مذكوره جه ختام محاكمه فك تفهيمندن
صكره موقع اجراءن استفسار كيفيتله برابر كلان
جواب حقنده بركونه محاكمه اجرا قلندقسزبن
اعطاي حكم و قرار ايدلسى مغاير قانون اولد-
يغندن اصول محاكمه حقوقيه قانوننك ايكوز
قرق برنجى ماده سى موجبنجه اعلام مذكورك
نقض يله قانون مزبورك ايكوز قرق دردنچي
ماده سى حكمنه توفيقاً كيفيتك يكيدن بالرؤيه
اعلامه ربطى ضمنتده محكمه مذكوريه اعاده سنة
و زيرده مفرداتى مرقم درتيوز درت بيق
غروش مصارف تميزيه نك ايلروده حقنر چيقه .
حق طرفه رجوع ايتك اوزره اول امرده
مستدعين اخذينه ۱۷ ايلول سنة ۳۰۷ تاريخنده
متفقاً قرار ويرلدى .

اعلان

اوجيوز طقوز سنه سى شهر حيزرانى ايجنده
غلطه ده طوغرى يولده مستأجر آ ساكن بولنديني
ايكيوز قرق نومرولى بقال دكاننى قسداً احراق
ايدليكي ادعا قلندسندن طولابى مظنون عليه اولان
اوزون بولى الاكوزلى سياه صاج وقاشلى بيوك
برونلى متناسب اغزلى مطروش قره بيقل اوزون
اللى بياض بكزلى بكرمى بش ياشنده طومه ولد
واسيل نام شخصك فرار ايتمسندن وحقنده
اجرا اولنان تحقيقات استنطاقيه اوزرينه جنايتله
اتهامنه قرار ويرلسندن ناشى اصول محاكمات
جزائيه قانوننك اوجيوز يتمش برنجى ماده سى
موجبنجه معامله مقتضية قانونيه ايضا ومحاكمه
عليه غيبايه سى اجرا قلندرق قانون جزائك
يوز النمش اوجنچي ماده سى توفيقاً مؤبداً كوركه
قولنمسنة واوتوز برنجى ماده حكمنجه حقوق
مدنيه دن اسقاطيله اموالنك جزينه محكمه
جنايتدن غيباً حكم اولمش وذكر اولنان
اصول محاكمات جزائيه قانوننك اوجيوز يتمش
يدى و اوجيوز يتمش سكر و اوجيوز سكسان
برنجى ماده لريله مواد سائر سى احكامنه توفيق

معامله اولمى مرجعه بيلديرلمش اولمغه اعلان
كيفيته ابتدار قلندى .

۱۶ تشرين ثاني سنة ۳۱۰

اوجيور اون سنه سى تموزينك اون سكرنجي
كونى قنار ناحيه سنده دكرمان دره نام محله
چركس محمدى جرح و قتل ايدليكي ادعاسيله
مظنون عليه اولوب غيباً متهم بولنان اورته
بولى قره كوز وقاش وصاجلى عادتاً برونلى
مطروش و ضميمه اشقودره لى ابراهيم بن
ابراهيم وقعه متعاقب فرار ايدوب الان الده
ايديله مامش اولديغندن اصول محاكمات جزائيه
قانوننك اوجيوز يتمش برنجى ماده سى توفيقاً
و تاريخ اعلاندن اعتباراً جانب رياستدن مجدداً
اون كون مهمل ويرلمش اولمغه مدت مذكوره
ظرفنده محكمه جنايتله كلدليكي تقدير ده قانونه
اطاعت ايتماش نظريه باقيله رق محاكمه غيبايه سى
بالاجرا حقوق مدنيه دن اسقاط واموالنك
جز ايديله چكى و بولنديني محلى خبر ويرمكه
وبالجملة ضابطه عدليه مأمورلرينك كندوسنى
دردست ايتمكه مجبور اولدقلى و كندوسنك

بر کونه ادعایه حق اوله میجنی اعلان اولنور .

۲۲ تشرین ثانی سنه ۳۱۰

احرار بکک محمد صارم نام دیگر سالم
افندی ذمتنده با اعلام الاجنی اولان مبالغت
تأمین استیفاسی ضمتنده تحت جزه النان قاضی
قریه سنده عثمان اغا محله سنده اراجچی باشی زقاغنده
مکرر اون ایکی نومرولی متصرف اولدینی تخمیناً
یوز زراع عرصه سی تاریخ اعلاندن اعتباراً
اون بش کون صکره بلمزایده فروخته مبادرت
اولنه جنی اسکدار بدایت محکمه سی اجرا دائره .
سندن اعلان اولنور .

۲۲ تشرین ثانی سنه ۳۱۰

متوفی حسین رمزی اغا ورثه سنک فاطمه
دریه خاتم ذمتنده قسمت عسکری محکمه سندن
ویریلان ۲۵ محرم سنه ۳۰۶ تاریخی بر قطعه
ادانه جتی موجب بنجه الاجنی اولان مبلغ معلومه .

نک تأمین استیفاسی ضمتنده مدیونه مومی ایها .
نک عهده سنده اولوب وکالت دوریه ایله مرهون
و فروختی محکوم بولنان خاصکویده کریمید جی
احمد چلی محله سنده قلاچی باشی جاده سنده کائن
قرل مناره فرونی دیمکله عریف بر باب ملک
فرون قرق سکر سهم اعتباریه قرق یدی سهم
حصة شایمه سیله مشتملاتندن بولنان درت باب
کارگیر خانه و بر باب کارگیر دکان هرری بوندن
اقدام مزایده یه قونیله رقی ایرای عثمانی یوز
غروشدن اوتوز یدی بیک بشیوز غروش
بدل ایله طابی اوزرندده تقرر ایتش اولدیفندن
یوزده بش ضمیمه بوندن دها زیاده یه طالب
اولنلرک اشبو تاریخ اعلاندن اعتباراً اوتوز بر
کون ظرفنده در سعادت اعلامات شرعیه اجرا
دائرة سنه مراجعت ایلملری ومدت مذ کوره دن
صکره مذ کور قرن ایله مشتملاتندن بولنان درت
باب کارگیر خانه و بر باب کارگیر دکان تقرر ایده .
جک بدل ایله عهده سنه معامله فراعیه سنک اجرا
قلنه جنی دائره مذ کوره دن اعلان اولنور .

۲۲ تشرین ثانی سنه ۳۱۰